

舊志序

古之君子入人國也於其山川雲物艸木禽魚諸屬
莫不悉而誌之況於人物之大者乎於其險要阨塞
徼徑關梁諸地莫不謹而書之況於封疆邊圉之重
且遠者乎文以足言言以足志此其所以志也今夫
秦四塞之地被山帶渭天府之國也東有關河南有
漢中西有巴蜀北有代馬故自古帝王都會于此誌
焉史記藝文志地剛決蘄絕修習戰脩高上氣力故其詩
有王于興師修我甲兵及車轡駟騶諸篇紀陟有言

疆界雖遠險要必爭之地不過數處耳大淮以北地
之要者不過乎秦故自古弓矢器械車馬之用于斯
志焉若夫據勢勝之地騁狙詐之術征伐關東蠶食
九國其風故不遠也敵王所懷復祖父業秦世父之
秉心忠孝猶奕奕也賈生過秦之論杜甫秦川之詩
非不琅琅聽觀也攻伐戰守則謀臣策士首尾爲用
齊楚趙魏中山之君莫能相尚也故自古英略智謀
諸策于斯誌焉易曰王公設險以守其國孟子曰天
時不如地利言爲國之恃險也又曰地利不如人和

言恃險之由人也孫卿曰天有其時地有其財人有
其治國之興也參而由焉卿所謂合其參是也恃險
而已卿所謂舍其參是也夫雍州之地宜其崇也嶠
嶠戰鬪之士宜其俊也山川之險不易也勁利之器
不銷也先政之策可循而守也然則雲物草木禽魚
諸屬一跡而至耳披圖覽鏡可不亟亟哉是故君子
觀於誌知會知守國矣誌弓矢車馬器械知脩備矣
誌謀臣策士知所得者在此所失者在彼與聖賢之
學遠矣然則秦之有誌自胡可泉先輩載筆以後百

有餘年而闕焉未備豈非邦大夫之過歟三韓姜君以豐沛之彥來刺西州實藉將予會當甲午崩騫之變余偕郡守竭音羽之瘁者終年民有寧宇余顧姜君曰是非秦州之一大興草乎惜哉舊史之蕪也姜君乃毅然任袞輯造當亭王令心古新去其國憇南湖度夏余遂以其事屬之嚴殿最搜軼微稽載往復三閱月而書成州所有人物之大封疆之重山川雲物草木禽魚之微亦庶于是乎備矣胡先生其許我哉順治丁酉夏四月分巡隴西道東海宋琬序

關中號神州陸海蓋天下之大觀也隄關而西則爲
天水成紀一大都會余奉命巡蒞茲土始如其履輒
縱觀之山林蔽虧原隰敷衍秀色環峙相錯如繡其
隩區乎已而登畫卦臺闕龍淵謁太昊之故宮眺軒
轅之靈谷則神聖之所鍾也周徧四顧板屋穴居耕
鑿獠狁蓋猶有羲黃之遺俗焉及探諸葛之壘陟伯
陽之臺詢趙壯侯姜伯約權安邱趙文忠之宅過杜
陵草堂故址具在世家系籍猶然存什一於千百也
噫嘻盛哉然前事之不忘後事者之鑑也借令往勝

湮沒無徵不寧山川弗張於職方而執政者亦何以
觀謠俗余因諮之秦守守曰秦故有記爲秦安胡中
丞所編其人往矣歲遠殘缺弗可攷余乃檄秦安令
徵遺編於其家得完書卒業記有述有表有志有攷
有列傳其事則自羲軒以暨輓近其文則自經傳以
至諸史無所不載而又分門析類條列班班文獻於
是乎有徵矣稽之方輿則其名山曰岷曰隴曰朱圉
曰嶓冢天下之山宗焉其大川曰江曰河曰渭曰漢
天下之水宗焉天地盛德之氣自西北始繼天立極

元聖是毓邈乎尚已李唐崛起帝業基之文物聲名
猶可概見鉅儒則石作蜀秦祖壤駟赤忠武則李廣
趙充國劉錡文苑則李陵趙壹李白此其煌煌較著
者也脫曰非山川之靈宜不及此繇斯而論其世汗
隆可得而言已周室衰微戎狄錯居涇渭之北秦穆
西伐遂致隴以西有綿諸緄戎翟獯之戎漢益迫羗
修戰備選六郡良家子給羽林期門名將材官多出
其地唐季天寶陷於吐蕃咸通始復我郡縣封疆之
臣惟戈矛是急樽俎不遑彼一時也皇祖三犁以來

王庭直空大漠之北秦隴雖稱邊郡然不中兵者二
百餘年文德誕敷庶幾義黃之世都人士暨諸父老
幸而生茲時也不亦恬愉乎哉且志有之天水土厚
水深其人勁悍而質木尚儉約習仁義以善導之易
於興起或驅以猛則其強毅果敢之資亦足以成富
強之業風偃謂何余不佞無能布德意以周境內乃
今室有疾苦藪有逋逃士習漸漓民用漸麥重爲諸
父老憂願諸大夫暨都人士無棄不佞而朝夕修之
務孳孳奉天時繕地利以興民事蒐未墜飭未周俾

今日之秦壺猶疇昔政教畢舉人文蔚興無爲山川
之辱則不佞幸矣中丞胡公爲昭代名世蓋亦鍾天
水之奇者余不獲身事之猶幸見其文也謀垂有永
因命築氏新之若夫葺佚芟繁則俟後之君子萬歷
二十六年莫春上澣分廵隴右兵備道李國士序

二十六平其春王儲君薨太子立爲重李國子
因命其力祿之孫天章少子爲國子外郎其子
本之皆皆余不莫也其子前卒其子又少其子
又尋國不其子中卒其子爲國子外郎其子
今日之春堂其子其子其子其子其子其子其子

嘉靖戊午暮春郡大夫管巷先生枉駕於余烏鼠山房因論政教風俗孰王孰霸孰古孰今續宗對曰巍巍乎周孔百王之師而萬世之宗也舍周非王矣舍孔非聖矣侯曰唯然政不皆關雎也教不皆鄒嶧也如何續宗曰苟志向一於是人皆可以爲周孔矣侯曰唯夫秦亦大矣考之郡未有記也聞錄於傳侯而未成也故無傳然無史矣曰然然郡亦有史乎曰今之郡縣古之國也郡縣之志郡縣之史也曰然則郡記不屬之子乎續宗再拜以不文辭侯曰郡有子而

無史可乎。續宗曰：秦大矣。昔與雍並，今雖稱州，揆之府也。學者學義皇之易，學軒帝之律，而宗周孔也。夫復何求？侯曰：唯然有史，以宗周孔而祖義軒，無則守何以政？學何以教哉？曰：三代之學然也。若今之史，則非三代之史也。故自方輿勝覽出，而世無史矣。曰：彼備考索耳。考索非學乎？曰：史所以記也。記古今記得失，記賢不肖耳。考索豈學乎？曰：子不究史乎？曰：經且未窮，況史乎？然子秦人也。秦記當屬之子矣。續宗再拜以非史辭。侯曰：子參對敬皇實錄列職戶館矣。列

街聖錄矣曰史也然非史也史未被若選爾曰黃公
司徒仲實郡公太僕思抑非史乎曰史也亦欲被選
者曰然則記不當屬之子乎纘宗再拜弗獲辭復曰
不識先天何以學卦不達黃鐘何以學律呂欲記之
志也於是復再拜質之我侯曰史也人皆稱左傳國
語又稱左傳又不稱左傳人皆稱史記漢書又稱史
記又不稱史記如何曰傳魯史爾史不有尚書儀禮
乎記太史氏創爲之者史不有周禮春秋乎然皆經
也或曰經載道史載事左馬班紀事爾經亦事也固

道也或以稱蜀入寇爲非或以爲紀實或以目秦爲
閏位爲未或以爲朋統然史豈易作哉國朝郡縣志
則勝覽之餘韻也故不分門無所考不列類無庸索
夫玉海類也然事核焉通典類也然制該焉復再拜
質之我族曰安慶記予稍變之然未放古也而覽者
不以爲枝輦郡記予又變之然未劣今也覽者不以
爲縻茲秦記或以爲今而非今也或以爲古而非古
也二泉公嘗志許昌潁西公嘗志武功舉世稱之茲
記敢比二志猶夫二記爾何以復我族是故述述乎

古以詔乎今也表表乎物以儀乎人也曰地理敷以
也曰官師建官也曰選舉賓興也曰儀制遵憲也其
邊防禦戎也曰食貨理財也曰兵戎紀兵也曰
記異也曰藝文勒實也考皇述帝郡不得而紀
諸列傳允文允武非程度乎而聖政巍巍也克中

孝非準則乎而聖教穆穆也況循足以勸酷足以懲
哉然皆本之遷史固書然遷固之罪人也是故范氏
唐鑑本之伊洛呂氏大事記本之獲麟而史不徒作
也然續宗非史也如政教何侯曰可也殆欲家岐鄠

而戶鄒魯乎曰唯公一德一心者也諸父老曰觀我
族之一鶴一琴脩如也必其厚有得者諸薦紳曰唯
父老白之臺云嘉靖戊午秋七月七日烏鼠山七十
九翁胡纘宗書